

**Zeitschrift:** Schwyzerlüt : Zyschrif für üsi schwyzerische Mundarte

**Band:** 1 (1939)

**Heft:** 5-6

**Artikel:** Dr Fähndrech

**Autor:** [s.n.]

**DOI:** <https://doi.org/10.5169/seals-176825>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 29.03.2025

**ETH-Bibliothek Zürich, E-Periodica, <https://www.e-periodica.ch>**

hart sy's Wärk hälse schaffe — der „Dokter us der Sunne=g a ß.“ „Hälse! Heile!“ stoht uf sym Fähuli.

He joh, s'git halt nit numme Sunneschyn i üfer Heimet, mir hei au Schatte gnue. Wie viel isch chrank, wie mängs isch mautsch oder fuul i der Stadt oder uf em Land, im Hus oder im eigene Härz. Wie chönnt do der Dichter dra verby goh? Darf er nit der Finger uf die Bräschte legge? Wenns au mängisch e chlei schmirzt und mir usjucke, so wüsse mer doch: er meints guet mit is und wott jo numme heile.

„Lies alle Sunneschyn z'säme, wo niemer frogt derno  
Und gang dermit uf Schatthalb, s'wird jedes übercho!“

S'isch wohr, es möcht de Möntsche öppis gäh, im Josef Reinhart sy's Wärk, es stoht nit eifach do, wie eine, wo seit: „I bi mir eleini gnue!“ S'isch halt nit numme der Dichter, nei, au der Möntschesfründ, wo öppis derzue z'säge het. „Heitermache! Löse! Heile!“ tönts us sym ganze Schaffe=n=use.

Und es isch e stilli Mahnig! Oh Möntsche, was bist du ohni Heimet? Es Blatt im Wind! Was suechsch so wyt? Lueg, dä wo sescht im Bode steit, dä gspürt d'Chraft, wo us der Arde chunnt und isch dermit verbunde. So redt das Wärk.

Doch wart, do ghörsch jo no ne Stimm — — der Pfarrheer us der „Lehrz y t“: „Verwachse mit em Heimetbode — rächt — aber au der Chops usha, as ggesch d'Stärne schyne, wenns um-di=ume feischter wird! Nit blybe chläbe — hesch liechter z'träge denn. Mir sy jo alli numme=n=uf der Reis! —“

E vierti Stimm also, wo us allne andere vom ganze Wärk bsun-ders use tönt — no chly schüüch — aber ebe, der Dichter isch halt au e Läberbärger — und die rede nit gärn vo däm, wo ganz z'in-nersch inne=n=ischt. Mir aber wei hoffe, mir heigi di Stimm no nit s'letscht Mol ghört.

Emil Weber, Oberdorf.

## Dr Fähndrech.

Mängisch het me's ghört, wenn mr mit em Männerchor usgrückt sy, an es Gsangfäscht oder uf ne Reis, mir heige dr schönscht Fähndrech wyt und breit. Und wenn üsse Verein imene Fäschtzug die meischte Meie het chönnen uf d'Hüet stecke, so het das numme üsem Fähndrech gulte, wil 's Wybervolch us de Pfeischteren und vo de Balkone mit Rosen und Nägeli uf ihn zielt het; är aber mit sym Fahne het 's Bücken oder 's Uffoh halt dene müeßen überloh, wo nit gmeint gsi sy. Und 's isch au wohr: es schöns Luegen isch's gsi, üse Fähndrech, dr Mezger Isema. I ggeh ne no am Buchser Sängerschift im zweute Baß uf der Bühni oben am Egge stoh, wie me

tätschlet, äb mr numme gsunge hei. Dört isch er gstande, wie ne farbige Meiebaum amene Gartehag: die rotwyži Schärpe mit de gul-dige Franse schreeg über dr breite Bruscht, ne Ma, wie ne Flueh; sys schwarze Chruselhoor i dr Mitti gscheitlet, ne Locke, wie ne Baß-schlüssel i dr Stirne, dr eichhördlibruun Schnauz uf beidne Syte us-gwirblet, mit glänzige rote Bäckli wie polierti Palmenöpfel, Bäckli, wie me se numme bi de Mezgermeischtere usgänds de Dryžge no cha gseh. Ne schwarz usraserti Mugge im runde Chinigrüebli, über dr breite glänzig wyže Hemmlisbruscht mit em abegleite Chragen und em schwarze Chniüpferli drinn. So isch er gstande, het sy ni blauen Auge über d'Lüt a de Tischen unde lo spaziere, wie wenn er wetti säge: „Lueget numme, bis dr gnue heit, 's choschtet niit!“ Oder i gseh ne no am Fäschtzug a dr Bundesfyr, vorius, üse Fahne schwinge, dr neu Männerchor-Fahne, wo no gschmöckt het vo dr Öl-farb vom Moler Bolliger.

Wie dr Isema het keinen im Fahne chönne dr Schwung gäh: 's Fueteral a einer Huſt, d'Stange schreeg drinn, het er sy Oberlyb hindere boge, as die usgstreckten Armen i dr Stange dr Schwung gäh hei und dr Fahne dobe ganz vürnähm i d'Breiti gwallet isch, as dä Spruch under de Brüederhände guldig glikeret het:

Freundschaft im Liede,  
Treue dem Vaterland!

Gspaß aparti, eso ne Fähndrech und eso ne zweute Baßsänger findet me landuuf, landab nümme meh. „Dr Möntsch muež sys Ideal ha“, het er mängisch gseit, wenn mr z'Nacht am halbi eis hei sy, us em „Frohsinn“. Und i glaube, er hätt kei Prob usgloh, und wenn er ame-ne Samschting z'Nacht bis am halbi zähni hinder dr Fleischbank gstanden isch, het er si no gschangschiert, dr Schnauz gwixt und isch no zum letschte Lied im Männerchor aträtte. Und wenn er ygsezt het: „Noch ruhn im weichen Morgenglanz —“ mit sym Baß, so isch's gsi wie i dr Chilche, wenn dr Orgelischt mit de Füezen afoht fuerwärche, und alli, au dr erscht Tenor, het's usgchlöpfst, as sie roti Chöpf übercho hei, und fasch nit usz'ha gsi sy. Wenn dr Refrain ygsezt het: „Wach auf, mein liebes Schweizerland —“, dä-wäg het's ese tribeliert, as dr Dirigänt fasch nümme het mögen usgha, wie ne Wage rainab, wenn's gäge hei zue goht. Denn het aber dr Isema, üse Fähndrech, eismol sy Stirnglangge gschüttlet, het usgwäiht mit em Noteblatt: „Donnerwätter, bougre de Dieu, da'sch jo dr reinscht Polka, wo dr singet, mir sy jež nid uf em Tanzbode, s isch vatterländisch, würdig. Dänket doch au, was dr singet!“

Us „Lehrzyt“, Verlag A. Francke, Bärn.